




ՈՒՆՏԱԳՆԱՑՈՒԹՅՈՒՆ ԴԵՊԻ ՍՈՒՐԲ ՏԱԹԵՎ ԵՎ ՆՈՐԱՎԱՆՔ

Տարիներից ի վեր հոգևոր ճանապարհում ավանդույթ է դարձել, որ ուսանողները ամսվերջի քննություններից և հանդեսից հետո, դասախոսական կազմի հետ միասին, մեկնում են չորսօրյա պտույտի, դեպի Հայաստանի Աշահավոր վանքերն ու եկեղեցիները, պատմական այլ կառույցներ ու տեսարժան վայրեր: Հայաստանի տարածքում հայտնի են 4.000-ից ավելի հին ճարտարապետական հուշարձաններ, որոնց վերականգնման համար պետությունը ամեն տարի հատկացնում է հսկայական գումարներ:

Այս տարի շրջապտույտի համար որոշվել էր հետևյալ ուղերթը՝ Սիսիան—Գորիս—Տաթև—Եղեգնաձոր:

Պատմական Սյունյաց աշխարհի այս Աշահավոր վայրերը մեր առջև պետք է բաց անեին մեր դարավոր մշակույթի ու հավատքի վառ օջախները՝ իրենց անցյալի ամենապահպանուն էջերով, անցյալ, որի ցանած սերմերն այսօր հնձում է մահ մեր վերածնված մայր հայրենիքը:

Հունիսի 12-ին, ամառային մի պայծառ առավոտ, որին մենք ուսանողներս սրտի տրոփյունով էինք սպասում, արևը դեռ նոր էր արձակել իր առաջին ճառագայթները, երբ մենք մեկնեցինք Մայր Աթոռից:

Մայր Աթոռի մեքենաները դուրս եկան վանքի դարպասներից: Մենք որքան հեռա-

նում էինք Մայր Աթոռից, այնքան ավելի վեր էին խոյանում տաճարի գմբեթները, որոնք կարծես ցանկանում էին հսկել մեզ որպես արթուն պահակ:

Մեքենաների անիվները հագիվ էին սկսել կատարել իրենց առաջին պտույտները, երբ ուսանողները սկսեցին երգել ինչպես հոգևոր, այնպես էլ ազգային ու հայրենասիրական երգեր, մանավանդ «Առաջուկ լուսոյ» սքանչելի շարականի երգեցողությունը, որի հետ մեկտեղ կարծես արևը «առ մեզ» էր լույս ծագում և առտի-ճանաքար իր ամենօրյա ճանապարհով դեպի հորիզոն քարձրանում՝ լուսավորելու Հայաստանի բնաշխարհը:

Քիչ անց մենք արդեն անցնում էինք դեպի Արտաշատ տաճող մայրուղով, որտեղից շուրջ կես ժամ մեր առջև բացվում էր մի գեղեցիկ տեսարան՝ Արարատը իր սպիտակափառ գագաթներով, որոնք «պատված էին ձյունի պես ճերմակ մշուշով»: Իսկ Արարատյան հայրենական դաշտերում ետում էր գյուղի աշխատավորի ազնիվ և օգտակար աշխատանքը:

Ծուտով հեռվում, Արարատի ֆոնի վրա, երևաց ԺԳ դարի Աշահավոր դպրոց-վանքերից մեկը՝ Խորվիրայի վանքը, շրջապատված քարձր պարիսպներով: Այն հիմնադրվել է մույն դարի Աշահավոր իմաստասեր, անվանի մատենագիր և մանկա-

վարձ Վարդան վարդապետ Արևելցու կողմից:

Արևը հորիզոնում փայտապատում էր արդեն, երբ մենք հասանք բանաստեղծ Պարոյր Սևակի ծննդավայր Սովետաշեն գյուղ, որտեղ հայրենի տան բակում հանգչում է Մեծ Հայոցոյ աւելուներ:

Երախտագիտությամբ և խորունկ հարգանքով լցված շրջապատում ենք մեծ բանաստեղծի գերեզմանը: Ի հարգանս նրա՝ հոգեհանգստան պաշտոն կատարելուց և գերեզմանին թարմ ծաղիկներ դնելուց հետո, շարունակում ենք մեր ճանապարհը:

Առաջին օրը մեր անցնելիք ճանապարհը բավականին երկար էր, ուստի մենք ճանապարհին շատ կանգ չառանք: Մեր ճանապարհին անցնում էր ոլորապտույտ ուղիներով, Արփայի անդնդախոր ձորերով և գնալով ավելի էր բարձրանում ծովի մակերևույթից, և մենք Էջմիածնից արդեն գտնվում էինք բավականին բարձրության վրա: Լեռնային զով քամին մեքենաների պատուհաններից համբուրում էր մեր դեմքերը և, հագեցնելով թարմ օդով, առանձին բարձրություններ արկում մեզ:

Նորից երգեր, կատակներ...

Հնալիկով հայրենի բնաշխարհի գեղեցկությամբ, հեռվում՝ ամպերի մեջ մխրճված բարձր լեռնագագաթներով ու հեքիաթային կիրճերով, չգացիցնք, թե ինչպես հասանք Եփրատի շրջանում գտնվող Հայաստանի միակ Ծաթիի ջրվեժին:

Մենք որքան մոտենում էինք ջրվեժին, այնքան ավելի էինք հմայվում նրանով: Մոտ 25 մետր բարձրությունից թափվող ջուրը, բախվելով քարերին, առաջացնում էր փիրուզա փրփրաղեղ ալիքներ և շարունակում իր ճանապարհը: Տղաներից շատերը լողացան անմիջապես բարձունքից թափվող ջրի տակ, ոմանք մագլցեցին ջրմեծի վերին մասը, իսկ մի մասն էլ բախարակեց ներքևից դիտելով ջրվեժը:

Հակառակ ջրվեժի մոտ երկար մնալուն, այնուամենայնիվ տղաները չէին ուզում հեռանալ, այնքան որ հիացած էին նրանով:

Ջրվեժից քիչ հեռու, գետի ձախ ափին, ճաշելուց և հանգստանալուց հետո, մենք ուղևորվեցինք դեպի Որոտանավանք, որ հասնելուն պես, տղաները սկսեցին իրենց որոնումները: Վաճառք եկեղեցիներից բաղկացած մի համակառույց է, որն այժմ երկրաշարժի պատճառով գտնվում է ավերակ վիճակում: Վաճառքի բակում կան բազմաթիվ գերեզմաններ:

Եկեղեցիներից մեկը, որը կրում է ս. Ստեփանոսի անունը, կառուցվել է 1000 թվականին, Սյունյաց Ծախանդուխտ թագուհու կողմից: Մյուսը՝ ս. Վարսապետ ա-

նունով, Ծախանդուխտ թագուհու որդի Սևադայի կողմից, 1007 թվականին: Իսկ երրորդ՝ ս. Գրիգոր եկեղեցին, նույն՝ ԺԱ երարում, բայց ում կողմից՝ հայտնի չէ: Եկեղեցիները, ճիշտ է, գտնվում էին ավերակ վիճակում, բայց պահպանվածով հանդերձ մի ներքին համաշարժություն կար նրանց միջև, որը մի տեսակ ճարտարապետական սիմֆոնիա էր կազմում:

Եկեղեցիներից մեկի պատերին պահպանվել էին գեղեցիկ որմնանկարներ, որոնց գույները փոքր ի շատե խամրել էին անձրևների պատճառով, սակայն եղածով այն գալիս էր վկայելու ԺԱ դարի մեր որմնանկարչության արվեստի զարգացման բարձր մակարդակը՝ գույների ներդաշնակ և զուսպ գործածումով: Եկեղեցիների պատերին կային ձևով պարզ և անպաճույճ բարձրաքանդակներ, որոնք խոսում վկայեցին էին ժամանակի քարարվեստի: Քարը ենթարկվել է հայ շինականի ստեղծագործ ձեռքին, ձևափոխվել, դարձել արժիվ (հայտնի լեռնաշխարհի այդ հպարտ թռչունը Եդես և քաջության, անկախության խորհրդանշան), դարձել նույն խորհրդանշանով հաճախվող ստեղծագործ մարի թռիչքը և դարերի խորքը մխրճված նրա հին արմատը:

Վաճառք դիտելուց և խմբովին «Տեղ ուղորմես» ու «Տեղումական աղօթք» երգելուց հետո, պատրաստվեցինք մեկնման:

Արդեն երեկո էր: Արևն իր տեղը աստիճանաբար գիշում էր լուսնին: Հորիզոնում նշմարելի էր խորհրդավոր մայրամուտը:

Այնուհետև մենք նստեցինք մեքենաներ և որսախ երգերով ուղևորվեցինք դեպի Սիսիան՝ հուրաանցում գիշերելու համար:

Երեկոյան առիթ ունեցանք շրջելու Սիսիանում: Պետք է ասել, որ Սիսիանը մի նորակառույց, երիտասարդ քաղաք է, հագիվ երկու տասնամյակ պատմությամբ: Քաղաքը Որոտան գետով բաժանված է երկու մասի, միացված՝ գեղեցիկ կառուցված կամուրջով, որի վրայով անցնելիս գետի աղմուկը առանձին հաճույք էր պատճառում բոլորիս, նմանվելով դաշտերում գյուղի աշխատավորի զվարթ երգին: Ուշ երեկոյան գնացինք հուրաանց քնելու:

Երեքշաբթի առավոտյան դանդաղ կոտ խոնավ արևը, մրափողի նման հագիվ քնից արթնացել, կիսախուփ աչքերով գիշերն էր փնդում փողոցներից, երբ մենք արդեն պատրաստ էինք մեկնման:

Վաղ առավոտից արդեն տղաները ցրնձության և ուրախության մեջ էին: Այդ օրը պետք է այցելեինք միջնադարյան հայ մշակույթի բարախող սիրտը հանդիսացող Տաթևի վանք և փառաբանության աղոթք

մատուցելնք մեր տիեզերալույս և եռամեծ վարդապետների անմահ ժառանգությանը և համբուրելու նրանց մտքի արգասիքը հանդիսացող յուրաքանչյուր ավանդ:

Ժամը 9.30-ին մենք արդեն Սիսիանի և Հովհաննես եկեղեցու բակում էինք: Սյունիականի տաճարը, Սյունյաց աշխարհի այս հոյակապ հուշարձանը, իր հատակագծային և ծավալատարածական հորինվածքով պատկանում է Հայաստանի կենտրոնագմբեթ տաճարների (ս. Հոնիսիմե) տիպին: Այն կառուցվել է է դարի երկրորդ կեսին: Բազալտաշերտ այս տաճարը, պարզ ու արտահայտիչ ձևերով, հատակագծային ու ծավալային հորինվածքի փոխադարձ ներդաշնակությամբ հարազատ է վաղ միջնադարյան հայկական եկեղեցական ճարտարապետական ոգուն, ըստ ճարտարապետների մասնագիտական վկայության:

Եկեղեցին հետաքրքրությամբ դիտելուց և առավոտյան ժամերգություն կատարելուց հետո, ուղևորվեցինք դեպի Տաթև: Դարձյալ ոլորապտույտ ճանապարհներ, անհատակ ձորեր, չորս կողմը վերձիգ և անմատչելի ժայռեր, անոռելի, բայց միաժամանակ հոյակապ տեսարաններ էին բացվում մեր առաջ:

Թեթև մշուշը բամբակի մաքուր ծվեմների պես իջել, ծածկել էր Որոտանի կիրճը: Նախքան Որոտանի ձորը իջնելը, որտեղից օձագալար ճանապարհներով պետք է բարձրանայինք Տաթև, մենք հանգստանալու համար կանգ առանք այն տեղում, որտեղ 1903 թվականին Խրիսյան Հայրիկը, ձիով Տաթև գնալիս, կանգ է առել և հանգրստացնել: Երեք քառորդ դար (75 տարի) է անցել այդ օրից, սակայն այսօր էլ այդ տեղը շատ-շատերի համար դարձել է ժամանակավոր հանգստի վայր, որտեղ այժմ կանգնեցված է մի հուշարձան՝ հավերժացնելու համար Հայրիկի հետ կատարված այդ իրողությունը:

Հայրիկի կյանքի ու գործունեության հետ կապված պատմական որոշ դեպքեր հիշելուց, դրանց շուրջ գրուցելուց և քիչ հանգրստանալուց հետո, շարունակեցինք մեր ճանապարհը՝ զատիվալի իջնելով: Բառորդ ժամից արդեն «Սատանայի կամուրջ»-ի մոտ էինք: Այն դիտելուց և մեծ բավականություն ստանալուց հետո, տղաներից ոմանք լողացան գետնաբուխ հանքային ջրով լցված ավազանում: Պետք է ասել, որ «Սատանայի կամուրջ»-ը բնակերտ մի կառույց է, վերևից ներքև կախված սյուներիով, որը շատ ապշեցրեց մեզ: Այն կերտել էին Որոտանի հորդառատ հորձանուտները,

զարման ձնահալքի պատճառով գետի վարարման ժամանակ:

10 րոպեից մենք արդեն մեքենաներում էինք և ուրախ ու զվարթ երգերով բարձրանում էինք դեպի Տաթև: Վանքը կարծես հեռվից մեզ էր կանչում: Կեսօր էր, երբ հասանք վանք, որի ավերակները լուսավորվել էին ջինջ երկնքում փայլատակող արևի քարկ ճառագայթներից: Վանքի յուրաքանչյուր քար, որոնցից ամեն մեկը իր պատմությունն ուներ, կարոտով կանչում էր մեզ՝ լսելու համար մեր աղոթքը առ Աստված:

Ամեն կողմ վեհություն ...

Ամեն կողմ խորհուրդ ...

Ամեն քայլափոխի՝ մի գեղեցկություն: Ամեն մի կտոր քարի վրա դրոշմվել է հայ ժողովրդի մտքի, հոգու, սրտի և ձեռքերի մեռնաբույր գեղեցկությունը: Այդ քարը լեզու է առել հայ ճարտարապետի ձեռքերում և այսօր մեզ է պատմում հայ ժողովրդի՝ վաղեմի մշակույթի զարգացման և բարձր մակարդակի մասին:

Երկյուղածությամբ համբուրում ենք սրբաբարերը՝ ստանալու համար շնորհ և գոյություն:

Տաթևի վանքը անտարակույս բացառիկ տեղ է գրավում միջնադարյան Հայաստանի վանքերի շարքում, որը, ըստ Ստ. Օրբելյանի վկայության, «էի էր և ծովամատուց փիլիսոփայիք, երաժշտական երգոց: Ընդ էր և վարժատան դպրոցացն վարդապետական կրթությամբ նաև արուեստաւորք նկարչացն և գրողաց անհամեմատք»:

Սկսած Թ դարից Տաթևի վանքը հանդիսացել է Սյունյաց աշխարհի կարևորագույն հոգևոր կենտրոնը: Այստեղ էին հավաքվել բազմաթիվ ձեռագրեր, իշխանական վավերագրեր ու փաստաթղթեր: Այստեղ ապրել ու գործել են հայկական միջնադարի հոգևոր մշակույթի շատ նշանավոր դեմքեր, որոնցից են Հովհաննես Որոտանեցին, Գրիգոր Տաթևացին, Առաքել Սյունեցին, Թովմա Մեծոփեցին, Առաքել Բաղիշեցին, Հովհաննես Կոլոտիկ և շատ ու շատ ականավոր երախտավորներ: Տաթևի դպրոցը, որը կոչվել է «Գլուխն ամենեցունց վանօրէից և աղբիր շնորհաբաշխութեան Տանն Սիսական», «Երկրորդ Աթէնք ի մէջ հայոց» կամ «Մեծամեծ հեղինակաց բնակարան», եղել է գիշերօթիկ դպրոց, շուրջ 200 աշակերտներով, և ունեցել է երեք «ուսումնարաններ» կամ ֆակուլտետներ՝ երաժշտական, նկարչական, աստվածաբանական-փիլիսոփայական:

Տաթևի վանքը ճարտարապետական խոշոր համալիր է, որը գտնվում է Որոտանի

անդնդախոր կիրճով սահմանազատված մի խիստ անտիկ դարավանդի վրա և արևմուտյան ու հյուսիսային կողմերից շրջապատված է ամուր պարիսպներով: Վանքի կառույցների խումբը բաղկացած է երեք եկեղեցիներից, սեղանատնից, գրատնից, դամբարանից, շտեմարաններից, վանական սենյակներից և պաշտոնական այլ կառույցներից: Վանքի գլխավոր եկեղեցին, որ ս. Պողոս-Պետրոս անունն է կրում, կառուցված է Հովհաննես Եպիսկոպոսի օրոք, Շուշան իշխանուհու հովանավորությամբ, 885—908 թվականներին: Զգալի չափերով երկայուն կենտրոնագմբեթ մի կառույց է՝ հովհարաձև գմբեթով: Ներսի պատերին ուղազրավ են որմնանկարներ:

Ս. Գրիգոր Լուսավորիչ բազիլիկատիպ եկեղեցին նմանապես կառուցված է եղել նույն դարում, 848 թվականին, սակայն ավերվելով 1138 թվականի երկրաշարժի ժամանակ, այն հիմնովին վերանորոգվել է վանքի առաջնորդ Հայրապետ Եպիսկոպոսի օրոք (1274 թ.):

Տաթևի վանքի երրորդ՝ ս. Աստվածածին եկեղեցին կանգնեցված է երկու վերոհիշյալ եկեղեցիներից դեպի հյուսիս, վանքի դարպասի վրա: Վերջինս երկրաշարժի պատճառով ավերվելուց հետո, այժմ վերակառուցվել է: Դատելով սրա ճարտարապետական ձևերից՝ Ժ—ԺԱ դարերի հուշարձան է: Պատկանում է կենտրոնագմբեթ տիպին, հովհարաձև գմբեթով:

Վանքի ուղազրավ և հայ ճարտարապետության եզակի կոթողներից է 15 մետրանոց Տաթևի ճոճվող սյունը՝ կառուցված 885 թվականին: Ավանդության համաձայն այս սյուն տակ արժանավոր և գիտուն հոգևորականներին տվել են վարդապետական գիտական աստիճան:

Հերոսական այս լեռնաշխարհի դյուրիշ բնության հետ մերված ու կարծես նրա անբաժան մասը կազմող Տաթևի վանքի բարձրարվեստ հուշարձանները զգալիորեն ավերվել են 1931 թվականին, ուժեղ երկրաշարժի ժամանակ:

Որսխությամբ պետք է նշել, որ այսօր հայրենի պետության միջոցներով վերակառուցվում է պատմական այդ նշանավոր հուշարձանախումբը: Որոտանի կիրճում, համանուն գետի աջակողմյան ափին, գտնվում է Տաթևի կամ Սյունյաց Անապատը (համալսարանը), շրջապատված բարձր պարիսպներով: Հատկանշական է այն, որ այստեղ է նախապատրաստվել Տաթևի դպրոցի բացումը, որը կոչվել է նաև «Յիսուսական համալսարան»:

Տաթևում երկար մնալուց և ճաշելուց հետո ինչպես հոգեկան, այնպես էլ գեղագի-

տական մեծ բավականություն ստացած մեկ անգամ ևս մեր աչքերով գրկում ենք վանքը, նրա հուշարձանների ամբողջ խումբը, որ ճարտարապետական քարեղեն մի համանվագ-սիմֆոնիա է, և երեկոյան դեմ ծնրադրելով ու համբուրելով հազարամյա վանքի սուրբ քարերը և մեր եռամեծ վարդապետների նվիրական շիրիմները, հրաժեշտ առնելով ուղևորվում ենք դեպի Գորիս:

Անդորրը համակել էր Սյունյաց աշխարհը: Լավում էր միայն թռչունների դայլայլը և մեղմ գեփյուռից օրորվող ծառերի տերևների սուսափյունը:

Գորիս չհասած հետաքրքիր էր քաղաքի դիտումը վերևից, որը արդիական քաղաքաշինական ոճով կառուցված մի քաղաք է:

Ուշ երեկոյան երբ հասանք Գորիս, հոգնած լինելու պատճառով անմիջապես գնացինք հյուրանոց հանգստանալու, որովհետև հաջորդ օրը մեզ մեծ հոգնություն էր սպասում:

Այդ օրը նախ եղանք Հին Գորիսում, որը գտնվում է Հայաստանի հարավային մասում՝ Զանգեզուրի շրջանում, ներկա Գորիսից փոքր ինչ արևելք: Գորիսը հուշակավոր էր իր հազարավոր ժայռատներով: Քսենոֆոնը իր «Նահանջ քիւրոց»-ի մեջ (401 թվ. Ն. Ք.) խոսում է Գորիսի և Խըն-ձորեսկի հարկի մասին, որոնք բնակվում էին այդ տներում: Իսկ այսօր, հինավուրց այդ բնակավայրը դարձել է Հայաստանի արդյունաբերական խոշոր կենտրոններից մեկը:

Հին Գորիսը դիտելուց հետո մենք ուղեվորվեցինք դեպի պատմական Խնձորեսկ գյուղ, որի գերեզմանատանը ամփոփված է Հայաստանի ազգային-ազատագրական շարժման նշանավոր դեմքերից մեկի՝ Մխիթար Սպարապետի աճյունը: Գյուղը, նորից ժառատներով, գտնվում էր ձորի մեջ, որտեղ կային երկու եկեղեցիներ, որոնք ճանապարհի դժվարանցանելիության պատճառով դիտեցինք հեռուից: Խնձորեսկին կամ ընդհանրապես Զանգեզուրին են պատկանում անցյալի հերոսական պատմության բազմաթիվ էջեր, որոնք գրված են սրով և արչամբ:

Հեռուից Սպարապետի գերեզմանին ծրնրադրելուց, նրա հերոսական ու հայրենակներ գործունեությունը վերահիշելուց հետո, շարունակեցինք մեր ճանապարհը դեպի Եղեգնաձորի շրջան:

Դարձյալ երկար ու ձիգ ճանապարհներ... երգ ու կատակ, խաղ ու ծիծաղ:

Ժամերն անցնում են աննկատ, «թռչում է ժամանակը ինչպես սամում»:

Մեքենաները պանում են Արփայի եր-

կայնքով, իսկ մեր միտքը սավառնում՝ հայ ժողովրդի պատմության միջով:

Հետմիջօրեի արդեն Եղեգնաձորի շրջանում էինք: Եղեգնաձորի հանգստանալուց հետո, ճանապարհվեցինք դեպի Ցախաց Քարի վանք, որը գտնվում էր մի դժվարամատչելի լեռան գագաթին: Մեծ դժվարությունների հանդիպեցինք լեռը բարձրանալիս: Մագլցում ենք ժայռերն ի վեր, երբեմն հետս ընկնում, բայց միշտ առաջանում ենք հաղթահարելով ամեն մի դժվարություն:

Մեկ ժամում բարձրացանք լեռան գագաթը, որտեղից հեռվում երևաց վանքը՝ շրջապատված խարիսխով պարիսպով: Մոտենալով վանքին տղաները սկսեցին իրենց հերթական որոնումները: Վանքի ս. Կարապետ եկեղեցին կառուցվել էր 1041 թվականին, որը միջնադարյան Հայաստանի եկեղեցական ինքնատիպ շենքերից է: Այն պատկանում է գմբեթավոր սրահ կոչվող տիպին: Չորս անկյուններում ունի ավանդատներ: Ընդհանուր առմամբ պարզ ու արտահայտիչ: Արտաքին ճարտարապետության մեջ մի առանձին թարմություն են մտցնում ճակատներին տեղավորված բարձրաքանդակները և լուսամուտների քանդակազարդ լայն երեսակները:

Մյուս եկեղեցին, որ կառուցվել է գրեթե նույն ժամանակաշրջանում, աչքի է ընկնում իր աննախօրինակությամբ, արևմտյան ճակատին երկու մեծ և գեղեցիկ խաչքարերով ու առաստաղի բացառիկ զարդաքանդակներով:

Վանքից հարավ՝ հանդիպակաց լեռան վրա էր գտնվում և կարծես եկեղեցին էր հսկում Սմբատաբերդը, որը երկնաքեր ժայռին ձուլված Սյունիքի անառիկ ու խոշոր ամրոցներից մեկն է: Երեք կողմից ձորի բարձր ու անմատչելի քարափներն են, որոնց վրա շարվել են բուրգաձև պարսպի հաստ ու բարձր պատերը: Ներսում մնում են միջնաբերդի, ջրավազանների, բնակելի շենքերի հետքերը:

Ժամանակի տղության և ուշ լինելու պատճառով Սմբատաբերդ չբարձրացանք: Ցախաց Քարի վանքը իր համալիրով ամրոցությամբ դիտելուց և հանգստանալուց հետո, պատրաստվեցինք իջնել:

Կես ժամից արդեն լեռան ստորոտում էինք: Լեռը մեր հանգստավայրից բաժանում էր մի գետակ, որն արևի շողերից ոսկեփայլ գոտու էր մնանվել:

Երեկոյան նստեցինք մեքենաները և ուղղվեցինք դեպի Եղեգնաձոր՝ շրջկենտրոն՝ հյուրանոցում գիշերելու համար:

Հյուրանոց հասնելուն պես, արդեն բավականին հոգնած, պառկեցինք հանգստանալու:

Շրջապատյալի վերջին՝ հինգշաբթի օրը, առավոտյան, նախ այցելեցինք Արենիի ս. Աստվածածին եկեղեցի, որը կառուցվել է 1321 թվականին, Ամաղուի Նորավանքի վանահայր Հովհաննես եպիսկոպոսի օրոք, Մովսիկ ճարտարապետի նախաձեռնությամբ: Եկեղեցին ներսի ու դրսի կողմից հարուստ էր բարձրաքանդակներով և ճարտարապետական նուրբ դրվագներով, որոնցից ուշագրավ էր արևմտյան կողմում, բարավորի վրա, քանդակված Աստվածամոր պատկերը:

Հետաքրքիր էին եկեղեցու բակում գրանդվող դամբանաքարերը՝ սյուժետային պատկերներով, որտեղ պատկերված էին մարդիկ, կենցաղային իրեր, աշխատանքի գործիքներ և կենդանիներ: Կային նաև 5—6-րդ դարերի հնագույն խաչքարեր, որոնք աչքի էին ընկնում իրենց պարզ, անպաճույճ ձևերով: Դրանք պատկերում էին երեք միաձուլված խաչեր՝ խորհրդանշելով «միասնական սուրբ Երրորդություն»:

Հերթական պրպտումներից և առավոտյան աղոթք կատարելուց հետո, ճանապարհվեցինք դեպի թուրքաբնակ Ամաղու գյուղ, որտեղից մոտ երեք կիլոմետր քայլելով պետք է գնայինք դեպի Նորավանք, որը գտնվում էր ձորով սահմանազատված մի լեռան լանջին, բարձունքի վրա:

Վանքը առաջին հայացքից մեր բոլորի վրա մեծ տպավորություն թողեց իր հրաշագեղությամբ: Նորավանքն իր կազմի մեջ մտնող ինքնատիպ հուշարձաններով կառուցվել է ԺԳ—ԺԻ դարերում, Վայոց ձորի տեղ Երեկոյան իշխանների կողմից:

Հուշարձանախումբը բաղկացած էր երկու եկեղեցիներից, գավթից ու տոհմական դամբարանից, ինչպես նաև բարձրարվեստ խաչքարերից, իսկ աղ բոլորը շրջապատված էին պարիսպներով:

Վանքի ամենահին եկեղեցին ս. Կարապետն է, կառուցված 1221—1227 թվականներին, Էլիկումի որդի Լիպարիտ Երեկոյանի կողմից: Ոչ մեծ չափերի գմբեթավոր սրահ է, չորս անկյուններում կրկնահարկ ավանդատներով:

1281 թվականին Սմբատ Երեկոյան իշխանը սրա արևմտյան կողմից կառուցել է տալիս մի անսյուն, թաղածածկ գավթի, որը նախօրինակը չունի իր ձևի մեջ:

Ս. Գրիգոր Լուսավորիչ կամ Երեկոյանների տոհմական դամբարանը, որ կից է գավթին նրա հյուսիսային կողմից, կառուցվել է 1275 թվականին, Տարսայի Երեկոյան իշխանի կողմից: Վերջինս իր տոհմի այլ ներկայացուցիչների հետ թաղված է այստեղ:

Ս. Աստվածածին եկեղեցին, որը 1339

բավականին Մոմիկ ճարտարապետին կառուցել է տալիս Բուքել Օրբելյան իշխանը, հանդիսանում է Նորավանքի զարդը և հայկական միջնադարյան ճարտարապետության «կարասի երգը»: Մինևույն ժամանակ այն հանդիսանում է նոր տիպի, կրկնահարկ դամբարան-եկեղեցիների լավագույն նմուշը:

Հայ արվեստի պատմության մեջ հատկապես մեծ հետաքրքրություն են ներկայացնում գավթի և ս. Աստվածածին եկեղեցու մուտքի բարավորներին տեղավորման թեմատիկ բարձրաքանդակները, ինչպես նաև խաչքարերը:

Գավթում, պատերի տակ, կային տեղադրված Մոմիկ ճարտարապետի ձեռքի արգասիքը հանդիսացող հիասքանչ «ասեղնագործ» խաչքարեր, որոնցից մեկը, և կարելի է ասել ամենագեղեցիկը, ցավով պետք է նշել, կոտրվել էր: Հետաքրքիր էր այդ խաչքարի վերին մասի քանդակը, որտեղ պատկերված էր Քրիստոսը, ձեռքին մի մագաղաթ, որի վրա փորագրված էր «Ես եմ լույսն աշխարհի...» բառերը, իսկ նրա չորս կողմերում՝ ավետարանիչների խորհրդապատկերները (հրեշտակ, արծիվ, ցուլ և առյուծ):

Նորավանքում հետաքրքիր էր այն, որ տղաները մի քանի կոտրված խաչքարեր հավաքեցին և զգուշությամբ ու խնամքով տեղադրեցին գավթի պատի տակ:

Այսպիսով Ամաղուի Նորավանքի ճարտարապետական հուշարձանները անջնջելի տպավորություն թողեցին մեզ վրա:

Վանքը խոսում էր մեր հոգուն, և դժվարությամբ քաժանվեցինք նրանից:

Չորում ճաշելուց հետո, քարձրացանք գյուղ և, նստելով մեքենաները, ուղևորվեցինք դեպի Էջմիածին, դեպի Մայր Աթոռ:

Երջապտույտն արդեն ավարտվել էր: Էջմիածինը մեզ էր կանչում:

Երեկոյան ժամը 20-ն էր, երբ հասանք Էջմիածին: Մոտենալով վանքի դարպասներին, սկսեցինք երգել «Էջ Միածինն ի Հօրէ» շարականը, իսկ դարպասներից ներս մեզ էր սպասում եկեղեցին, որի գմբեթները դեպի երկինք իրենց սլացքի ու խոյանքի մեջ քարացած աղոթքներ են, հավատի արտահայտություն և վկայությունը ինչպես Քրիստոսի կյանքի հավիտենականության, այնպես էլ հայ ոգու անպարտելիության գաղափարի:

ՎԱՀԱԳԱՆ ՍԱՐԿԱՎԱԳ ԱՎԵՏԻՔՅԱՆ

